

IRIZARREK IRAGARRIA ZUEN A-8 AUTOBIDEKO ORDAINSARIA %40 JAISTEA HITZARTU DUTE

Bizkaiko Diputazioak ukatu egin du A-8ari buruzko akordioa dagoela

■ Bizkaiko Diputazioak ukatu egin du A-8 autobideko ordainsariaren auzian Gipuzkoako Diputazioarekin akordiorik dagoela. Irizarrek ordainsaria %40 jaitsiko dela esan du, baina oraindik hori erabakitzeke dagoela dio Bizkaiko Diputazioak.


Erredakzioa / Donostia

BIZKAIKO Foru Aldundiak ukatu egin du Bilbo-Behobia A-8 autobideko ordainsariaren inguruan Gipuzkoako Diputazioarekin inolako akordiorik duela. Herenegun Jose Julian Irizar (EA) Gipuzkoako Diputazioko Herrilan eta Garraio diputatuak esan zuenez, aste gutxi barru A-8 autobideko ordainsaria nabarmen jaitsiko da. Haren arabera, erregulariki erabiltzen dutenei %40ko deskontua egingo zale. Horretarako, baina, bi foru aldundien arteko adostasuna behar da. Bizkaiko Diputazioa ados legokeela eman zuen aditzera Irizarrek.

Bizkaiko Foru Aldundiak, ordea, ukatu egin du bi aldundien arteko akordiorik dagoela. Heda-bideetara bidali duen prentsa ohar baten bidez Irizarrek egingako adierazpenak ez direla egia dio. «Bi diputazioen artean ez dago era horretako akordiorik», dio Bizkaiko Foru Aldundiaren prentsa oharrak. Halaber, gogor salatu du Jose Julian Irizarrek auzi horren inguruan izan duen jarraia: «Beste behin, Herrilan sailburua inoiz existitu ez diren akordioen bozeramaile gisa agertu da».

Bizkaiko Diputazioaren arabera, gainera, «ez da era horretan jokatzeko duen lehenengo aldia». «Bilbo-Behobia autobidearen gaineko kontzesioa luzatu eta ordainsaria murrizteko asmoz bi Aldundiak elkarrizketetan geundela, antzera aritu zen». Bizkaiko Diputazioak zera eskatu dio Irizarri: «Adierazpen publikoak egiten baditu, adierazpen horiek soilik Gipuzkoako diputazioari dagozkien gaien inguruan izan daitezela».

Bizkaiko Diputazioak argitu duenez, «Irizarrek planteatu duena ez da posible ekonomikoki, hala erakusten dute behintzat gure esku dauden ikerketek». Ildo horretatik, bi foru aldundien artean harremanak izan dituztela onartu du Bizkaiko diputazioak, «baina auzi horren inguruan ez dugu inolako akordiorik lortu». Bilbo eta Behobia lotzen dituen A-8 autobidea bi herrialdeentzat funtsezkoa dela dio Bizkaiko Diputazioak. «Errepide horren oraina eta etorkizuna aztertzeke bilerak egin ditugula ezin ukatu, baina bilera horietan ez dugu Irizarrek aipatzen duen akordiorik gauzatu», gaineratzen du prentsa oharra. Bizkaiko Diputazioa beti A-8ko ordainsariaren kontzesioa ez luzatzearen alde agertu dela dio. Horretaz gain, autobide horren gaineko eskumena Euskal Autonomi Erkidegoak (EAE) izan behar duela defendatu dela dio.



A-8 autobideko Bilboko irteera.

XOUSE SIMAL

orain Espainiako Gobernuaren esku dago.

Bidesari bigunak • Gipuzkoako Diputazioak dioena gauzatuz gero, aste gutxi barru A-8 autobideko bidesaria %40 merkeago izango lukete ohiko erabiltzaileek. Horretarako, baina, hilean lauzpabost aldiz erabili beharko litzateke autobide hori -oraindik zehaztu gabe dago-. Ordaintzeko modua zein izango litzatekeen oraindik zehazteke duten arren, dirudienez Irun-Donostia zatian erabiltzen den modukoa jarri asmo dute. Alegia, erabiltzaileek txartel bat hartuko lukete

aurrezki kutxa batean eta kontu korrontetik dirua kenduko liekete.

Bidesari bigunak jartzeak diputazioentzat gastu handia izango dela onartu du Irizarrek. Izan ere, autobide horren kontzesioa duen Europistas enpresari, murrizpen horren ordainetan, ordaindu egin beharko diote diputazioek. Lehen bestela esaten zuten arren, enpresa horri ez diote kontzesioa luzatu nahi murrizpenaren ordez. Europistas enpresari 2003. urtean bukatzen zaio A-8 autobidea kudeatzeko duen ahalmena. Auzi honen ondoren kontzesioa luzatuko zela

zioten orain aste batzuk. Irizarrek onartu duenez, baina, «aukera hori guztiz baztertu dute».

Haiek epe laburrera duten beste helburua EAEk errepide horren titularitatea lortzea da. Orain Espainiako Gobernuak Sustapen Ministerioak dauka titularitatea. 2003. urtean aldatuko da titularitate hori, baina Gipuzkoako diputazioaren helburua titularitate hori lehenago lortzea da. Bizkaiko Diputazioak behin eta berriro esan duen bezala, «errepide horren titularitatea lehenbailehen aldatu behar da». X

Koordinakundeak ofizialki eskatuko dizkio Gobernuari BMren kontratazioko agiriak

■ Haren irudikoz, kontseilariak informazioa izkutatu zuen herenegungo agerraldian

Erredakzioa / Iruñea

ITOIZKO KOORDINAKUNDEAK ofizialki eskatuko dio Nafarroako Gobernuari Burson Marsteller enpresaren kontratazioko buruzko dokumentazioa, informazioa jasotzeko eskubidean oinarriturik. Koordinakundearen idurikoz, lege-haustea egon daiteke, hain zuzen ere «diru publikoaren erabilpen okerra».

Nafarroako Gobernuak Nekaritza kontseilari Ignacio Martinezen Agerraldia egin zuen herenegun kontratazioa batzordean, BMren kontratazioa azaltzeko. Koordinakundeak atzo hedabideetara igorritako prentsa oharren arabera, «agerraldian

ihes egiten saiatu zen kontratazioan egon daitezkeen usteko delituak agerian ez uzteko, eta ez zuen inolako informaziorik eman multinazionalak Gobernuari eman dizkion txostenez».

Bestalde, Koordinakundeak joan den asteartean eman zion Entzutegi Nazionalari Nafarroako naturguneen babes eremuak buruzko informazioa. Epaitegi Gorenak uztailaren 1ean ebatzi zuen Itoizko urtegiaren inguruan dauden hiru naturguneen babes eremuak ezin izan diren dituela urperatu hiru naturguneen babes eremuak desagertarazi zituen 9/96 Foru Legea aintzat hartu gabe. Entzutegi Nazionalak irailaren lauan eskatu zien bi aldeei

(Koordinakundeari eta Espainiako Gobernuari) Epaitegi Gorenaren epaia betearazi aurretik Foru Lege horrekin izan duen eraginari buruzko informazioa. Koordinakundeak informazioa eman duenean argudiatu du legea «inkonstituzionala» dela, haren helburu bakarra Itoizko urtegiaren arazo legalak konpontzea delako.

Madrilgo Auzitegi Gorenak, bestalde, ingurugiroarekiko eragin deklarazioa baliogabetu zuen ekainaren 30ean. Nafarroako eta Espainiako gobernuak epaiaren aurkako helegitea aurkeztu dute. Horren aitzinean, Koordinakundeak eskatu du epaia betearazteko, behin-behineko neurria izan da ere. X

Ingurugiro Sailak auzitara eramango du Urkiolako gasolindegia

■ Bizkaiko Aldundiak baieztatu egin du isurketa gasolindegia egin zuela

Erredakzioa / Bilbo

URKIOLA ERREKARA C motako 4.000 litro gasolio bota zuena Urkiolako Parke Naturalean dagoen gasolindegia izan zela baieztatu zuen atzo Bizkaiko Aldundiak. Hori hala dela jakinda, gasolindegia auzitara eramateko asmoa azaldu zuen Gasteizko Ingurugiro Sailak, gasolindegia arduradunek ekologia arloko delitua egin zuten edo ez erabaki dezan. Ingurugiro Sailak gertakaria «larria eta kezagarria» dela esan zuen, «errekan bizi diren arrainengan izan duen eraginagatik». Izan ere, karramarro eta arrain hilak aurkitu ziren.

Hasiera batean gasolindegia leporatu zitzaion isurketa, eta atzo Bizkaiko Aldundiak baieztatu egin zuen. Aldundiak jakinarazi zuenez, irailaren 29an Parke Naturaleko begiraleei jakinarazi zitzaion Urkiola errekan isurketa bat izan zela; hain zuzen ere, gasolindegia ondoan dagoen putzu batean. Parke Naturaleko zuzendaria, zaindaria bat eta inguruko arrantza zaindaria gasolindegira abiatu ziren ikerketa egitera. Orduan, isurketa gasolio biltzea betetzen ari zela gertatu zela esan zien gasolindegia arduradunak. Arrantza zaindaria gertaera salatzeke agindua eman zitzaion, eta gasolindegia arduradunari isurritako gasolioa biltzekoa. Hala egin zuen, ponpa batekin.

Hurrengo eguneko azken orduan Urkiolako zaindarek arestian aipatu putzua baino beherago gasolio orbanak ikusi zituzten. Egoeraren larritasuna ez areagotzeko, lur zakuekin presa batzuk egin zituzten; asmoa ondoren motoponpekin ateratzea zen. Urriaren 1ean lan horretan jarraitu zuten, baina Ingurugiro Sailari jakinarazi zitzaion isurketa izan zela. Hasiera batean sistema horrek ez zuela eragin handirik izan ikusi zuen Aldundiak, baina, hala ere, Ingurugiro Sailarekin batera aurrera jarraitzea erabaki zuten.

Bestalde, isurketak itsasora izaten diren marea beltzen tamaina zuela salatu zuen Eguzkik. Aldundiak eta Ingurugiro Sailak 4.000 litro gasolio isuri zirela esan bazuen ere, Eguzkik «6.000 eta 10.000 litro bitartean» izan zirela adierazi zuen. Era berean, Ingurugiro Sailak azaldu zuen bost kilometrotan izan zuela eragina, eta talde ekologistak, aldiz, zehazteke dagoela. Horrez gain, isurketa larria izan dela l oharatzen duen. X